

貴州府縣志輯

③⑨

中國地方志集成

道光仁懷直隸廳志

光緒湄潭縣志

民國婺川縣備志

中國地方志集成

貴州府縣志輯 ③⑨

道光仁懷直隸廳志

光緒湄潭縣志

民國婺川縣備志

巴蜀書社 • 鳳凰出版社 • 上海書店

第三十九冊目錄

道光仁懷直隸廳志		一
光緒湄潭縣志		三九七
民國婺川縣備志		六二一

光道

仁懷直隸廳志

清·陳熙晉 纂修
道光二十一年刻本 二十卷

修仁懷直隸廳志

蓋聞徽國之治而康先諸方志石湖之紀吳郡

述土風是功紀非言志也實本原於

孫德山川以八增重而人乃仁於山川自非

勤爲成書易以示諸來禎此仁水城控

懷陽藩離梁公帶溫戎郡爲班孟堅始

編地理江通饒部郡善長爰經漢年則肇

建符陽先枝江之都尉晉史

仁懷直隸廳志卷之一

縣之封疆唐蒙持節之關從人而置

駐師之垣溯八路以成功自蜀壤而星分

入青螺之記若井姚州之露

釋薦助自初居琅川置於有六維勝代高麗二

十九載而始屬播州迨我

初雍正十一年而遂析新縣設知而裁通判

六十五載於茲政府屬而隸司在一十八衛

萬壑千巖豈侈崇山峻嶺茂林修竹之勝

乎農桑學校雖纖悉而盡登名重夫忠孝立

務搜羅之必遍不佞十年湖海慕元龍萬

馳驅謬膺司馬承乏銜繁難之職愧無材學

之長廣厦須構以羣材珍裘貴矣夫衆旅共

不朽相與有成爰及官僚謀於紳士所

之確敢辭採訪之勞或授祭而在抄謄鉅金

而付剞劂彙一方之掌故刻三月以爲期名山

仁懷直隸廳志

傳諸其人儲錢百里河西土之文

難於志畧存土地人民政事之權輿

道光二十年歲在庚子六月爲高陳熙晉

仁懷直隸廳志目錄

卷之一

疆域志

卷之二

疆域志

卷之三

營建志

卷之四

會計志

仁懷直隸廳志

卷之一

卷之五

學校志

卷之六

祠祀志

卷之七

兵制志

卷之八

職官志

卷之九

選舉志

卷之十

政績志

卷之十一

人物志

卷之十二

人物志

卷之十三

人物志

仁懷直隸廳志

卷之一

卷之十四

風俗志

卷之十五

物產志

卷之十六

祥異志

卷之十七

邊防志

卷之十八

藝文志

卷之十九

藝文志

卷之二十

藝文志

仁懷直隸廳志

卷之一

三

修志姓氏

特授貴州仁懷直隸廳同知卓異候陞陳熙晉纂輯
協修

仁懷直隸廳訓導陳松齡

照磨魏作舟

署照磨雷揚廷

分纂

江蘇候補同知段星燦

雙城書院山長己亥科舉人丁世選

綏陽縣人

仁懷直隸廳志

卷之一

內

己亥科舉人陳鳳楷

貴筑縣人

候選直隸州州判謝一棟

副貢 羅俊章

貴筑縣生員 陳孫校

廩生 卞登桂

仁懷縣人

採訪

翰林院待詔

王言

議敘鹽知事

張坦

廩生

袁履和

廩生 羅崇枝

監生 蕭高泌

州同 段星煥

廩生 張榮椿

廩生 顏孔鑄

生員 董仕元

監生 張廷城

武生 傅予福

仁懷直隸廳志 卷之一

三

仁懷直隸廳志

凡例

一仁懷未有志乘乾隆初廳人楊拱有廳邑合志稿本在未設直隸同知以前僅存一序餘俱寥寥茲為搜羅攬拾詮作二十卷大約取材黔志者十之二蜀志者十之三得之案牘採之紳耆者十之五六但有關於斯土者悉為登載

一仁自蜀隸黔自縣析為廳自遵義府通判升為直隸同知凡未改設以前稱謂均從其舊

仁懷直隸廳志 卷之六

六

一貴州通志以遵義星野與蜀同分為參井然漢書

一云巴蜀分井鬼參又云觜觿參主益州一書已自

不同隋唐以後言蜀分者多主井鬼茲先列參井

而以井鬼附焉

一黔中跬步盡山不可悉數惟水道在兩山之間于

古不可改移是志據南中志以犍山在營縣在

黔而不在蜀詳晰辨之餘皆約畧登載水則赤水

貫廳境幾四百里下及細流備敘源委據漢志南

廣有大涉水北至符入江定為今之赤水以證鄰

注大涉水從熨道入江之非鄺注引漢書唐蒙出巴符關以正西南夷傳巴符關之誤舟楫之行漕漕之利一一臚列俾存河渠遺意

一場市村莊具載至城里數遠近務使覽者於簿書期會大有裨益

一名宦官宜奉

首入祀者當之然政在口碑不能忘也今總曰政績志

摭實詳紀俾畏壘之視祠鄉之愛流傳勿替

一政績人物身後方登簡牘其有好善樂施亦必舉

仁懷直隸廳志

卷之四

七

有實蹟者載入以防冒濫婦女節孝實符定例者

毋論存否一律表章

一夏侯孝若東方朔贊云朔平原厭次人魏建安中

改厭次爲樂陵郡故又爲郡人也劉氏知幾謂以

身沒之後地名改易追書其事以示將來廳屬所

仁懷縣三里地方改設未久是志於鄉里可考者

皆書某里人其無可考者始書仁懷縣人

一物產所宜均須詳載其有流俗所名務按載籍稱

爲某物俾資考證

一廳境一面倚黔三面臨蜀爲貴州西北極邊存在皆邊存在在皆防也故紀邊防一類覽者幸無以越

俎譏焉

一祝穆方輿勝覽詳非所詳近代盛稱武功朝邑二志務爲簡畧亦非其至唐荆川之言曰有家者隨其家之所有而籍記之田畝租餽錢貫絲繡鼓合醬器僮指之數瑣細必詳池館花樹狗馬圖書古物珍玩此纖勤治生者之所畧也知家之有簿本以治生而非以觀美國邑之有志本以經世而不


仁懷直隸廳志

卷之四

八



以博物得之矣余以不文汲汲是役公事稍暇即親朱墨星夜一編幾閱寒暑於山川鄉聚田賦鹽課皆醜縷著之於篇期有益於實用惟一切創始兼促時日擇未精而訪未周恐蕪且漏舉要蒐逸以俟後之君子

輿圖




直隸同知署

直隸同知署



先農壇

奎光閣



仁懷直隸廳志卷之一
疆域志

子輿氏之言仁政以正經界爲首務西南介在荒服
尺寸皆山崎零錯互有未可以分疆畫井泥者其於
王者度地居民之意無以異也廳自四川割隸貴州
始析仁懷縣地十之三新設城外不越河而治所屬
地方往往層階境三四百里外議者重爲要區蓋襟
帶於蜀而門戶於黔也詳列於篇俾司土者覽若指
掌因地制宜當必有道以處此矣志疆域

仁懷直隸廳志

卷之一

一

建置

仁懷直隸廳在禹貢梁州之域秦爲巴郡地漢爲犍爲郡符縣地犍爲郡孝武建元六年置治犍縣縣有犍山元光五年郡移治南廣孝昭元年郡治犍道後遂治武陽犍縣卽今遵義黔西諸州縣境漢時元鼎六年分廣漢置犍爲郡元封元年分犍爲置牂牁郡蓋犍爲本夜郎國非今四川嘉定府之犍爲也晉分符縣置安樂縣以安樂水得名隋爲瀘川郡地唐置芙蓉琅川諸縣隸播州又置樂源縣隸珍州宋大觀

仁懷直隸廳志

卷之一

二

二年置播州樂源郡領播川琅川帶水三縣大觀二年建滋州領承流仁懷兩縣此仁懷之名所由始也宣和三年廢州爲武都城以仁懷爲堡承流并入焉隸潼川路元改播州爲播南路隸四川行省明萬曆二十九年平楊應龍置仁懷縣轄仁懷河西土城二即小溪丁山吼灘赤水安羅李博十里屬遵義府隸四川

本朝雍正五年改撥貴州九年移仁懷縣治於生界之亭子壩以遵義府通判分駐其地撥仁懷縣之仁懷河

西土城三里地方歸通判管轄定爲中缺乾隆四十一年改爲直隸同知衝繁難兼三要缺隸糧儲道

仁懷直隸廳志

卷之一

三

請改直隸同知本末

乾隆四十一年二月十三日奉貴州布政使鄭札開
乾隆四十一年二月十二日奉撫部院裴札開照得
邊缺昔簡今繁及守貳分疆課治均當因地制宜隨
時酌改以收實益查遵義府屬之仁懷通判遠駐極
邊之赤水河與川省之瀘州合江敘永廳三面連界
五方雜處率皆閩廣楚蜀之人燒窖種靛貿易其閒
咽喉匪徒最易藏匿兼之民風强悍案件繁多距府
城十有一站道路崎嶇文移不免稽遲且府屬通判

仁懷直隸廳志

卷之一

四

尹權不專遇有要務更多掣肘之虞似宜改爲直隸
友缺同知在外揀選幹員調補始足以重職守而資
彈壓但直隸同知案件例由該管巡道核轉今貴西
道駐劄威寧程途紆遠應將直隸仁懷同知改歸糧
道管轄則解道轉司均在省城較爲便捷又查石阡
府居平越思南二府之閒只轄龍泉一縣地方褊狹
獄訟稀少該府經徵地丁不過三千餘兩秋糧僅有
一百八十餘石爲通省中最簡之缺向以播州苗民
是以特設府治今風俗民情胥極淳厚與昔迥殊知

府清閒無事不免志氣灰頽而上司視爲無足重輕
之員亦往往意存姑息實於吏治無裨似應將石阡
府一缺改爲直隸簡缺知州歸部銓選仍隸分巡之
糧驛道管轄其所屬之龍泉一縣照舊歸管惟將府
經歷改爲州吏目府教授改爲州學正一酌更間則
繁簡均適其宜考課得從其實可期振惰策勤之效
再查通省苗疆要缺內有貴陽府之長寨同知都勻
府屬之獨山州荔波縣地皆簡僻苗民安靜今昔情
形大不相同俱應刪去苗疆字樣改歸部選以符名
仁懷直隸廳志

卷之一

五

實是否可行合飭查議爲此札仰該司即便會同臬
司糧道遵照來札逐加查核悉心妥議詳悉稟覆以
憑核奪本部院爲調劑地方起見用是公同商酌該
司等切勿意存遷就依樣葫蘆總宜籌畫精當期歸
實濟若此外尚有應行更易之處亦須各抒所見據
實附陳以備採擇

爲札飭查議事乾隆四十一年三月初六日准本府正堂于關開云云等因奉准此竊照遵義廳原屬仁懷縣舊治爲居邊圍距省九百餘里地勢延袤幅幘遼濶濱臨赤水河交錯四川界三面毗連川省之瀘州合江縣敘永廳萬山盤折路遙水險爲川黔中權扼要之區其分駐通判一員向與本府同城專司糧捕課務並無管轄地方嗣乾隆三年移仁懷縣駐於生界之亭子壩改通判分駐該縣舊城始撥仁懷河西土城三里一切刑名錢穀案牘悉屬經理至於府

仁懷直隸廳志

卷之一

六

轄各州縣地方概不經由督催比較相沿已久爰改撥之初居民無多案牘稀少尚稱易治定爲中缺越今三十餘年來比戶滋生五方雜處閩廣蜀楚之人雲集種靛燒窰民風强悍俗喜爭訟兼之在林深箐密奸徒咽匪最易藏匿案件繁多十倍從前事無鉅細例由本府核轉雖向來尚無貽誤但自廳至府十有一站道路崎嶇跬步維艱究不免有周章稽遲之虞細察情形多有不便誠如憲檄所當因地制宜隨時酌改以收實益也伏思之政貴循名核實務期

便捷不繁查廳員分駐卽與州縣無異仍列糧捕字

樣於政體官方既不相稱而今昔異宜簡要名實亦

迥不相符且極邊重地隸府統屬事權例不專攝又

復駕遠更苦紆迴一遇緊要重務碍難徑達殊非所

以慎邊陲而昭職守仰見憲慮周詳權宜調劑改爲

要缺直隸同知案件理歸在省之糧道管轄核轉體

制較優辦理所屬地方一應整飭彈壓足免掣肘之

虞至通判舊管境內戶口錢糧命盜詞訟及徵收稅

課各事宜均歸同知管轄辦理所有原額養廉及皂

仁懷直隸廳志

卷之一

七

役禁卒壯快各項人役並通判舊有衙署足敷辦公

以資差遣毋庸另議增添致滋糜費第查同知秩居

五品較通判食俸不同應請照例更正分別扣存請

領再查前次移改縣廳未經議及籌立學校所屬三

里生童每逢科歲兩考分歸廳試由府彙送學院考

取仍於仁懷縣學額內酌撥二三四名不爲殊無定

數兼之院府兩試守候需時往返維艱由此士習頓

減其舊存文廟僅派該縣訓導一員留住廳城原署

會同教諭約束凡文武生員丁憂起復事故及支食